

傷寒論集成卷之七

日本 東都 山田正珍宗俊父 著

男 正德宗見

門人 常陸 中林清熙俊庵 同校

土佐 笠原方恒雲仙

陽明病。脇下鞭滿。不大便而嘔。舌上白胎者。可與小柴胡湯。上焦得通津液。得下冒氣。因和身。濺然汗出而解也。

成無己曰。陽明病。腹滿。不大便。舌上胎黃者。為邪

熱入府可下。若脇下鞭滿。雖不大便。而嘔舌上白胎者。為邪未入府。在表裡之間。與小柴胡湯以和解之。

程應旄曰。脇下鞭滿。不大便而嘔。自是大柴胡湯證也。其用小柴胡湯者。以舌上白胎。猶帶表寒故也。若胎不滑而濡。則所謂舌上乾燥而煩。欲飲水數升。謂裏熱已耗及津液。此湯不可主矣。

錢潢曰。此亦陽明兼少陽之證也。上文雖潮熱。而大便反溏。小便自可也。此雖不大便。而未見潮熱。

皆為陽明熱邪未實于胃之證。

劉棟曰。上焦得通以下。後人之註誤混本文也。正珍曰。脇下鞭滿。乃小柴胡本條所謂。脇下痞鞭者也。胎與焰古字通用。焰。煤也。字本作炱。小補韵會。炱字註云。說文灰。炱煤也。徐曰。火煙所生也。字典云。炱。集韵。或書作焰。湯來切音胎。玉篇。炱。煙塵也。合而考之。胎之為焰明甚。痘濕賜篇云。舌上如胎者。以丹田有熱。胸中有寒。如字可味矣。一說云。胎苔也。非也。蓋焰者火煙所生。而傷寒舌胎亦



是熱氣所生。於義尤為深切著明。若夫苦者水氣所生。與傷寒舌胎之義冰炭相反。下筆詳慎。智慮周密者。當不應若是。

言尤

陽明中風脈弦浮大而短氣腹都滿脇下及心痛久按之氣不通鼻乾不得汗嗜卧一身及目悉黃小便難有潮熱時時噦耳前後腫刺之小差外不解病過十日脈續浮者與小柴胡湯脈但浮無餘證者與麻黃湯若不尿腹滿加嚥者不治

劉棟曰。此條後人之所記也。因太陽中篇。太陽病

二百四

十日以去脈浮細之條。又論柴胡湯。麻黃湯之別也。

陽明病。自汗出。若發汗。小便自利者。此為津液內竭。雖鞭不可攻之。當須自欲大便。宜蜜煎導而通之。若土瓜根。及大猪膽汁。皆可為導。玉函。發字下。有其字。無及字。成本及字下。

有與

成無己曰。津液內竭。腸胃乾燥。大便因鞭。此非結熱。故不可攻。宜以藥外治而導引之。

方有執曰。竭亦亡也。

傷寒論集解卷廿

金鑑曰。雖大便軟而無滿痛之苦不可攻之。


正珍曰。小便自利當作小便不利傳寫之誤也。故下文承之云。此為津液內竭乃前第五十九條所謂大下之後復發汗。小便不利者亡津液是也。蓋小便以自利為常。以不利為病。惟其常則津液內竭四字無所照應也。且也論中云小便自利者。每於其當不利。而反快利如常者而言。太陽中篇抵當湯諸條可見矣。今此條突然言之。益知其誤寫無疑焉。先輩諸家未有一言及此者。嗚呼讀書若

斯疎漏豈足窺古人精微之訓哉。又按土瓜根方見肘後方

蜜煎方 食蜜七合

右一味於銅器內微火煎之。稍凝如飴狀。攬之勿令焦著。欲可丸。併手捻作挺。令頭銳大如指。長二寸許。當熱時急作。冷則輒以內穀道中。以手急抱欲大便時乃去之。疑非仲景意已試甚良。

蜜煎方成本作蜜煎導方。非玉函成全書無食字。成本全書無右字。非於銅器內玉函成全書作內銅器中。攬成本作擾。非欲可丸。玉函作俟可丸。是之二字宋板作當須非。今依成本改之。玉函成全書無疑非仲景意已試甚良九字是也。



傷寒論集解卷之

併手捻作挺者。謂兩手合併而捻之。欲剛柔得所也。挺與梃鋌古字通用。正字通。挺字註云。他頂切。木枝條挺出也。孟子註。趙岐曰。挺杖也。字典鋌字註曰。音挺。金鋌也。說文銅鐵樸也是也。若夫挺者勁直貌。又拔也。寬也。與本文不合。按外臺二十五卷。駐車丸方後云。消膠令鎔。併手丸如大豆。併手二字。義與本論同一說。併字屬上句。手捻作挺四字為句。非矣。以手急抱以下二十字。語意不通。蓋不知醫事者所攬當刪之。萬氏家抄卷三。蜜導法。凡諸秘結不通或兼他

症。又老弱虛極。不可用藥者。用蜜入皂角末少許。同熬至蜜老。乘熱捻如棗核大。納入穀道中。良久即通。

猪膽汁方

大猪膽一枚。瀉汁和少許法醋。以灌穀道內。如一食頃。當大便出。宿食惡物甚効。

和少許法醋五字。成本玉函。并作和醋少許四

字。玉函成本金書。穀道內。作穀道中。又無宿食惡物甚効。六字。

土瓜根方

外臺引古今錄驗。療大小便不通方。

取生土瓜根。擣取汁。以水解之。於筒中吹內下



傷寒論卷之七

部即通。

證類本草引肘後方治小便不通及關格方。

生土瓜根擣取汁以少水解之筒中吹下部取通。


二萬四十一

陽明病脈遲汗出多微惡寒者表未解也可發汗宜桂枝湯玉函多字下有而字

金鑑曰汗出多之下當有發熱二字若無此二字乃是表陽虛桂枝附子湯證也豈有桂枝湯發汗之理乎陽明病脈當數大今脈遲汗出多設不發

熱惡寒是太陽表邪已解矣今發熱微惡寒是表猶未盡解也故宜桂枝湯解肌以發其汗使初入陽明之表邪仍還表而出也

正珍曰陽明病三字承上條大便鞕言之金鑑補發熱二字極是前第百五十四條云發熱微惡寒外證未去者柴胡桂枝湯主之二百十七條云微發熱惡寒者表未解也是也錢潢解所謂遲者非寒脈之遲乃緩脈之變稱也又非中寒之陽明脈遲也錢潢此說頗失於鑿遲唯是遲以其當數而



傷寒論集解卷之

不數言之而已。

言十一

陽明病脈浮無汗而喘者。發汗則愈。宜麻黃湯。

金鑑曰。是太陽之邪未悉入陽明。猶在表也。當仍從太陽傷寒治之。發汗則愈。宜麻黃湯。

錢潢曰。此條脈證治法皆寒傷營也。而仲景何故以陽明病冠之邪。蓋以太陽中篇之第一條曰。惡寒體痛。脈陰陽俱緊者。名曰傷寒。其次條又曰。惡風無汗而喘者。麻黃湯主之。此條雖亦無汗而喘。然無惡風惡寒之證。卽陽明所謂不惡寒反惡熱。

之意。是以謂之陽明病也。

正珍曰。不惡寒惡熱大便鞕。皆陽明證也。故有此等證者。每以陽明稱之。汪琥云。無汗而喘。但浮不緊。何以定其為陽明病。必其人目痛鼻乾身熱不得眠。故云陽明病也。雖然此是素問陽明病之證。即仲景氏大青龍湯所主。安在其為陽明乎。

言十四  
陽明病。發熱汗出者。此為熱越。不能發黃也。但頭汗出身無汗。剝頸而還。小便不利。渴引水漿者。此為瘀熱在裡。身必發黃。茵陳蒿湯主之。成本脫汗出者之者及蒿字。當補之。



傷寒論集解卷七

引字一本  
作飲非。

成無己曰。但頭汗出身無汗。劑頸而還者。熱不得越也。小便不利。渴飲水漿者。熱甚於胃津液內竭也。

正珍曰。陽明病。發熱汗出而渴者。白虎加人參湯證也。若發熱汗多而不渴者。此為有燥屎。大承氣湯證也。二證俱不能發黃。以其熱發揚也。越猶言發劑。猶言限。詳見于前。瘀益與菸通用。衣虛切音於說文云。菸鬱也。瘀熱卽鬱熱也已。先輩諸家不

達此義。或謂熱之不得越。譬猶瘀血之不行。是以謂之瘀熱。吁迂亦甚矣。若其但頭汗出者。鬱熱不越。土蒸攻頭也。其身發黃者。其熱外薄。肌膚而鬱蒸也。茵陳蒿湯以通大便。則鬱從而解矣。金鑑云。小便不利。濕蓄膀胱也。非也。何者。濕是外邪之名。猶風之與暑也。故曰中濕中風中暑。則可。若謂濕蓄某處。風蓄某處。暑蓄某處。則不可。况非此證本從中濕而來者乎。

茵陳蒿湯方

易經卷之二 陽明篇

八

杏花園藏板

傷寒論集解卷之十

茵陳蒿六兩梔子十四枚大黃二兩去皮

右三味以水一斗二升先煮茵陳減六升去滓內二味煮取三升去滓分溫三服小便當利尿如皂莢汁狀色正赤一宿腹減黃從小便去也減全書作取非玉函成本全書俱脫二字當補之六升下肘後千金外臺並有去滓二字分三服玉函成本俱作分溫三服是今從之

小便當利以下二十三字後人所攬當刪之何則此證小便不利者因瘀熱熬津液而不因停飲故方中無一品之主利水者則小便當利之語頗失

主當徵一也夫服大黃者雖無病之人其尿皆赤豈惟黃病而然耶又其黃從小便去一語尤為無謂蓋黃之解於此湯病根已去也豈在從小便去乎果是則表病面赤發汗而去亦謂赤從其汗去乎徵二也一宿腹減之語依後之茵陳蒿湯腹微滿文而言然諸治腹滿方俱未見方後有腹減之文者豈獨於其徵滿者而言乎徵三也三徵既得攏其可掩邪一說云黃從小便去之黃指大黃而言鑒矣



三萬四

傷寒論集解卷之

陽明證。其人喜忘者必有畜血。所以然者本有久瘀血故令喜忘。屎雖硬大便反易其色必黑者宜抵當湯下之。玉函無宜字。

成無己曰。內經素問經論調曰。血並於下亂而喜忘。此下本有久瘀血所以喜忘也。

正珍曰。喜忘謂數忘。畜蓄同韵。會小補蓄字註云。勅六切。說文。積也。通作畜。是也。所以然以下二十五字。王叔和釋文。當刪之。此論陽明證下焦有畜血之證。凡論中稱少陰證。陽明證者。少陰證見三十九條。陽明

證見二百十四條。皆於章中言之。其以為冒首。特斯一條已。陽明二字。以其久不大便而言。言病人久不大便喜忘。前言往事者。以下焦有久瘀血也。抵當湯下之則愈也。程應旄謂。血與糞併。故易而黑。張璐謂。大便色黑。雖曰瘀血。而燥結亦黑。但瘀血則黏如漆。燥結則晦如煤。此為明辨也。吁二子者。何其為叔和所欺之甚。

陽明病。下之心中懊惓而煩。胃中有燥屎者可攻。腹微滿。初頭硬。後必溏。不可攻之。若有燥屎者。宜大承

傷寒論集解卷之二

氣湯。玉函。腹微滿。上有其人。

二字。是必。溏。作溏者非。

成無己曰。下後心中懊憹而煩者。虛煩也。當與梔子豉湯。若胃中有燥屎者。非虛煩也。可與大承氣湯下之。其腹微滿。初鞭後溏。此無燥屎。此熱不在胃而在上也。故不可攻。

金鑑曰。陽明病下之後。心中懊憹而煩者。若腹大滿。不大便小便數。知胃中未盡之燥屎復鞭也。乃可攻之。

三百四十六

病人不大便五六日。繞脅痛。煩躁。發作有時者。此有


燥屎故使不大便也。

錢潢曰。不大便五六日。而繞脅痛者。燥屎在腸胃也。煩躁。實熱鬱悶之所致也。發作有時者。日晡潮熱之類也。

張志聰曰。不言大承氣湯者。省文也。此接上文而言。亦宜大承氣湯明矣。

正珍曰。發作有時。以發熱言。如前百五十三條。百六十一條可見矣。

病人煩熱。汗出則解。又如瘡狀。日晡所發熱者。屬陽



差後病篇  
曰。傷寒差。  
已後更發。  
熱者。小柴。  
胡湯主之。  
脈浮者。以汗解之。  
沈實者。以汗解之。  
下解之。

傷寒論集解卷之

明也。脈實者。宜下之。脈浮虛者。宜發汗。下之與大承氣湯。發汗宜桂枝湯。玉函又作復。宜下。宜發之。宜並作當。與作宜。皆宜從而改之。


金鑑曰。病人謂病太陽經中風傷寒之人也。  
方有執曰。煩熱太陽也。故脈浮虛而宜汗散。如瘡狀。謂熱之往來。猶瘡之作輒有時而不爽也。

張璐曰。日晡所發熱。則邪入陽明審矣。發熱。卽潮熱。乃陽明之本候也。

錢潢曰。脈浮虛者。卽浮緩之義。為風邪猶在太陽之表。

希哲曰。脈實乃沈實。對下文浮虛。

正珍曰。又字玉函作復是也。復與覆通。反也。論中復字訓反者。不一而足。如九十一條。九十二條。百六十條。皆爾。如瘡狀。即是潮熱。但以其斯時而發言之。非寒熱交作也。七十九條曰。發汗若下之。而煩熱胸中窒者。梔子豉湯主之。論中煩熱僅二條。猶煩疼煩渴煩驚煩滿煩亂之煩。惟忠分為胸煩身熱二證。非也。煩帶說之辭也。已言太陽病煩熱者。發汗汗出則解。百六十六條云。傷寒汗出解之後。亦以發汗言也。汗後



傷寒論集解卷之二

不啻不解。反如瘧狀潮熱者。轉屬陽明也。其脈沈實者。轉而純也。故承氣下之。若脈浮緩者。轉而未純也。當先與桂枝以發太陽未盡之表也。一說。以下汗出為自汗。大非也。真武湯證云。太陽病。發汗汗出不解。皆就發汗上言之。可見本條汗出亦因發汗而汗出之謂矣。又按本文汗出則解一句。與前八十七條。瘡家雖身疼痛不可發汗。汗出則痙之條。同一句法。蓋足以相證也。果是自汗當云汗出。

解安用則字為語辭乎。

大下後六七日。不大便。煩不解。腹滿痛者。此有燥屎也。所以然者。本有宿食故也。宜大承氣湯。

方有執曰。煩不解。則熱未退可知。腹滿痛。則胃實可診。故曰有燥屎。

金鑑曰。下之未盡。仍當下之。

正珍曰。所以然十字。叔和釋文。當刪之。

病人小便不利。大便乍難乍易。時有微熱。喘冒不能卧者。有燥屎也。宜大承氣湯。

言九

燥屎乃日外所食之糟粕。牢結而乾著腸內者。大便乃現今所食之糟粕。潤軟而順下肛門者。今病人小便不利。大便乍難乍易者。燥屎橫道為之障礙也。况微熱喘冒不能卧。是煩躁譫狂之漸乎。雖無滿痛。亦必有燥屎。故宜大承氣湯下之。金鑑云。大便乍難。乍易者。蓋熱將欲作結。而液未竭也。吁果如是。則鞭已。豈謂之燥屎哉。錢潢云。乍難大便。燥結也。乍易旁流時出也。雖然本文難易二字。唯於一大便上而言。豈分配燥與潤而言乎。

三百五十

食穀欲嘔者。屬陽明也。吳茱萸湯主之。得湯反劇者。屬上焦也。

成無己曰。得湯反劇者火也。當用生薑黃連治之。

方有執曰。食穀欲嘔。胃寒也。

正珍曰。陽明二字。本當作中焦。乃對下文上焦之句。王叔和不知文法。若斯妄謂中焦卽陽明。胃腑

所位。遂改作陽明者已。食穀欲嘔者。胃中虛寒而飲水淤蓄故也。吳茱萸之溫中生姜之逐飲。為是之故也。按太陽下篇云。傷寒胸中有熱。胃中有邪氣。腹中痛。欲嘔吐者。黃連湯主之。由是觀之。屬上焦者。乃胸中有熱之謂。當與小柴胡湯者也。前百五十四條。指小柴胡湯以為治上焦之方。亦可以徵矣。按金鑑以屬上焦為太陽表熱處。以葛根加半夏湯。希哲劉棟處以瓜蒂散。皆屬臆造。宜排叱焉。

吳茱萸湯方。

吳茱萸

一升洗

人參三兩

生薑

六兩

切

大棗

十二枚擘

右四味。以水七升。煮取二升。去滓。溫服七合。日三服。

二升全書集註  
並作三升非。

太陽病。

寸緩關浮尺弱其人。發熱汗出。復惡寒不嘔。

但心下痞者。此以醫下之也。如其不下者。病人不惡寒而渴者。此轉屬陽明也。小便數者。大便必鞕。不更衣十日無所苦也。渴欲飲水。少少與之。但以法救之。渴者宜五苓散。如其以下十三字。玉函作若不下其人復不惡寒而渴者十二字。

寸緩關浮。尺弱。其人八字。叔和所攬當刪之。發熱汗出復惡寒者。太陽中風也。不嘔為其裡未受邪也。但心下痞者。此以醫下之也。如是者。當先與桂枝以解表。表解已而後與大黃黃連瀉心湯。以治其痞。例見前百七十三條。如不下之。其人不惡寒而渴者。此為轉屬陽明也。當俟其表悉解。而與白虎加人參湯也。小便數以下似有闕文。不可強解。姑存疑云。

言五十三

脈陽微而汗出少者為自和也。汗出多者為太過。

言五十四

陽脈實因發其汗出多者亦為太過。太過者為陽絕於裏。亡津液。大便因鞭也。

言五十五

脈浮而芤浮為陽芤為陰浮芤相搏。胃氣生熱。其陽則絕。

趺陽脈浮而濡浮則胃氣强濡則小便數浮濡相搏大便則鞭其脾為約。麻子仁丸主之。

右四條叔和所攬當刪之。

麻仁丸方

麻仁二升 芍藥半斤 枳實炙半斤 大黃一升 去皮

傷寒論集成卷七

陽明篇

十六

杏花園藏板

右六味蜜和丸如梧桐子大飲服十九日三服漸加以知為度


麻仁丸。疑非仲景之方。厚朴一尺。枳實半斤。杏仁一升。煉蜜和丸。皆非本論文法也。驗而外臺引古今錄不引仲景傷寒論亦可以徵矣。

太陽病三日發汗不解。蒸蒸發熱者。屬胃也。調胃承氣湯主之。主字全書作汗。非外臺發汗不解四字作發其汗病不解六字。

錢潢曰。蒸蒸發熱。猶金甌之蒸物。熱氣蒸騰。從內

達外。氣蒸濕潤之狀。非若翕翕發熱之在皮膚也。程應旄曰。此卽大便已鞭之徵。故曰屬胃也。熱雖聚於胃。而未見潮熱譫語等證。主以調胃承氣者。於下法內從乎中治以其日未深故也。

正珍曰。三日發汗不解。謂發汗及乎三日。仍未解也。不解者邪氣之不解也。非表之不解也。按調胃承氣湯五字。脈經作承氣湯三字。宜從之。凡單稱承氣者。統大小承氣而言之。若夫調胃承氣。乃吐下後。主藥自有差別。不可混用也。



三百五十七

傷寒吐後腹脹滿者。與調胃承氣湯。

傷寒行吐方之後。諸證皆去。唯胃中不和。其腹脹滿者。藥毒遺害也。調胃承氣可以解毒和胃。若夫發汗後之脹滿則否。故治法不同也。前第六十六條發汗後腹脹滿者。厚朴生姜半夏甘艸人參湯主之。按成無己以吐為嘔吐。以脹滿為邪熱入胃。皆非矣。凡論中云後者。皆以施治之後言之。如發汗後下後皆爾。若夫邪熱入胃而脹滿者。內必有燥屎。攻之不暇。豈取乎調胃緩弱之將耶。

三百五十六

太陽病若吐若下。若發汗後微煩小便數大便因鞭者與小承氣湯和之愈。成本全書並脫後字當補之玉函有之

喻昌曰。微煩小便數大便因鞭。皆是邪漸入裡之機。故用小承氣湯和之。

得病二三日。脈弱無太陽柴胡證。煩躁心下鞭。至四五日雖能食。以小承氣湯。少少與微和之。令小安。至六日。與承氣湯一升。若不大便六七日。小便少者。雖不能食。但初頭鞭後必溏。未定成鞭。攻之必溏。須小便利。屎定鞭。乃可攻之。宜大承氣湯。煩躁成本全書作煩燥。非不能

食宋板作不受食非。今依成全書改之。

方有執曰。太陽不言藥。以有桂枝麻黃之不同也。少陽言藥。以專主柴胡也。凡以此為文者。皆互發也。

錢潢曰。須待也。

劉棟曰。六日當作五六日。

正珍曰。承氣湯上脫小字。當補之。四五日五六日。皆不大便之日數也。故下文承之云。不大便六七日。古文錯綜之妙。乃爾。否則至字無所承。當前二

百二十二條云。不大便五六日。上至十餘日。可見至字。暗寓不大便之義焉。不大便而能食。其屎纔鞭。而未燥之候。若不大便而不飮食。乃定鞭為燥之診。宜與前二百二十五條互相參考矣。得病二三日。脈弱者。其熱不熾。盛可知也。無太陽柴胡證。煩躁心下鞭者。其邪已入裡可知也。不大便至四五日者。其人雖能食。當以小承氣湯。少少與微和之。令小安也。少少者。不過三四合之謂。對一升而言也。若少少與之。而不得屎。延至五六日者。乃與小

三百六十一

承氣湯一升。雖然若其小便少者。則雖不<sub>下</sub>大便至六七日。且不能食哉。攻之則令人溏。必待其小便數。屎為定鞭。始可攻之。宜大承氣湯。

傷寒六七日。目中不了了。睛不和。無表裡證。大便難。身微熱者。此為實也。急下之。宜大承氣湯。  
成無己曰。目中不了了。睛不和者。邪熱內甚。土熏於目也。


方有執曰。了了。猶瞭瞭也。

金鑑曰。目中不了了。而睛和者。陰證也。睛不和者

陽證也。雖外無陽證。惟身微熱。內無滿痛。祇大便難。亦為熱實。故曰此為實也。睛不和者。謂睛不活動也。

正珍曰。無表裡證者。謂表無惡寒發熱頭項強等證。裡無腹滿便秘潮熱讞語等證也。劉棟惟忠以表裡證為榮胡證。非也。

陽明病。發熱汗多者。急下之。宜大承氣湯。成本脫病字。當補之  
汗多二字。宜與前二條參考  
百二十三條  
張璐本汗字下補出字。



傷寒論集解卷七

以下其府熱。

金鑑曰。陽明病不大便。發熱汗多不正者。雖無內實。亦當急下之。以全津液為務也。宜大承氣湯下之。

發汗不解。腹滿痛者。急下之。宜大承氣湯。

成無己曰。發汗不解。邪熱傳入府。而成腹滿痛者。

傳之迅也。是須急下之。

正珍曰。病人雖表不解。腹滿痛者。不得不下之。九十三條曰。本先下之而反汗之為逆。若先下之治

不為逆。是也。

腹滿不減。減不足言。當下之。宜大承氣湯。

成無己曰。若腹滿時減。非內實也。則不可下。金匱要略曰。腹滿時減。復如故。此為寒。當與溫藥。

正珍曰。若滿不痛者虛也。宜厚朴生姜半夏甘艸人參湯。

傷寒腹滿。按之不痛者為虛。痛者為實。當下之。舌黃未下者。下之黃自去。宜大承氣湯。

程林金匱直解曰。腹滿之證。虛者可按。實者不可實也。掌下痛者此為

新增

金匱曰。按之心下滿



傷寒論集解卷七

之宜大柴  
胡湯

按故實者當下之。若舌有黃胎而未經下者。則實熱結於中焦下之則實熱除而黃胎自去。

正珍曰。此承上二條以辨腹滿之虛實也。舊本脱落錯入金匱要略中。今依王函補焉。

言六十四陽明少陽合病必下利其脈不負者為順也負者失也互相剋賊名為負也脈滑而數者有宿食也當下之宜大承氣湯

言六十五病人無表裡證發熱七八日雖脈浮數者可下之假令已下脈數不解合熱則消穀喜飢至六七日不大

便者有瘀血宜抵當湯


言六十六若脈不解而下不止必協熱便膿血也

言六十七傷寒發汗已身目為黃所以然者以寒濕在裏不解故也以為不可下也於寒濕中求之

右四條叔和所攬當刪之

言六十八傷寒七八日身黃如橘子色小便不利腹微滿者茵陳蒿湯主之

此乃前二百四十三條證而加腹微滿一證者蓋瘀熱在裡而大便鞕故已。



三百六十九

傷寒身黃發熱者。梔子蘡皮湯主之。

者字依成全書補之。

茵陳蒿湯證。瘀熱在裡而外無發熱。且小便不利。腹有微滿。此則不然。外有發熱而無小便不利。腹滿。至於身黃則一而已矣。又云茵陳蒿湯主裏鬱。

蘡皮湯主表鬱。

梔子蘡皮湯方

肥梔子十五箇甘草一兩黃蘡二兩

右三味以水四升煮取一升半去滓分溫再服。成本無肥字。玉函作梔子十四枚擘。

一升半。千金翼作二升。並是

三百七十

傷寒瘀熱在理。身必發黃。麻黃連轺赤小豆湯主之。

發字依成本及玉函全書補之

此乃茵陳蒿湯證輕者。無腹滿小便不利證。故治方亦輕。比之梔子蘡皮湯證。無發熱為異矣。瘀鬱也。詳見前二百四十三條。瘀熱在裡是因。身必發黃是證。

麻黃連轺赤小豆湯方

麻黃二兩去節連轺二兩杏仁四十箇根是

赤小豆一升大棗十二枚生梓白皮切一升

傷寒論集成卷七

生薑二兩 甘艸二兩


切 甘艸 炙

右八味以潦水一斗先煮麻黃再沸去上沫內諸藥煮取三升去滓分溫三服半日服盡。甘艸二兩。千金潦水作勞水。非也。再沸玉函作一二沸。右八味。一本全書作已上八味。非。又脫去滌二字。

錢潢曰潦水乃雨水所積韓退之詩云潢潦無根源朝灌夕已除。

正珍曰連軺千金方及翼并作連翹嘗考郭璞爾雅連異翹疏云一名連苦又名連艸本草云由此觀之連軺卽連翹明甚註云連翹根是疑根字卽

字訛已一說云潦水千金作勞水卽是甘爛水矣若夫潦者非有雨則不可得而用若取而貯之則若其腐敗何殊不知雨水之為物獨經旬日而不腐敗矣五雜組第三卷載閩地近海井泉多鹹人家惟用雨水烹茶蓋取其易致而不臭腐由是觀之蓄而待用亦何不可之有金鑑云無梓皮以茵蓆代之不知果可否



辨少陽病脈證并治第九

二首七十一

少陽之為病。口苦咽乾目眩也。

成本全書并脫為字當補之。

按少陽篇綱領本云而不傳矣。王叔和患其闕典。補以口苦咽乾目眩也七字者已。固非仲景氏之舊也。按陽明篇云。陽明病脈浮而緊。咽燥口苦。腹滿而喘。可見口苦咽乾。則是陽明屬證。而非少陽之正證矣。若夫目眩多逆治所致。如桂苓木甘湯真武湯證是也。亦非少陽之正證也。况目眩之文六經篇中無再見乎。又况柴胡諸條一不及此等。

證候乎。蓋少陽者。指半表半裡之號。如其病證。則所謂往來寒熱。胸脇苦滿。默默不欲飲食。心煩喜嘔。是也。凡傷寒陽證。其淺者為太陽。其深者為陽明。其在淺深間者。此為少陽。是少陽篇當在太陽之後者也。今本論次之。陽明後者。蓋依素問之次序也。其詳已見傷寒考中。再按少陽篇諸條。今本混入太陽篇中者過半。蓋古經篇簡錯雜。叔和從而為之撰次也。

少陽中風。兩耳無所聞。目赤。胃中滿而煩者。不可吐。

下。吐下則悸而驚。

中風二字。係外邪總稱。非傷寒中風之中風也。耳聾目赤。熱攻上焦也。乃少陽兼證。猶小柴胡條或以下諸證也。淵憲同此證。宜以小柴胡湯以和解之。不可吐下。若誤吐下。則有變證。若斯者。若吐下後。悸而驚者。乃貢豚之漸。宜與茯苓桂枝甘艸大棗湯輩以輯穆焉。

傷寒脈弦細。頭痛發熱者。屬少陽。少陽不可發汗。發汗則讞語。此屬胃。胃和則愈。胃不和則煩而悸。宋板註云

傷寒論集解卷七

悸。一云躁。則煩之。則字依成本補之。

王肯堂曰。凡頭痛發熱俱為在表。惟此頭痛發熱為少陽者何也。以其脈弦細故知邪入少陽之界也。

正珍曰。悸作躁為是。若煩而悸乃小建中湯證。非胃實之候也。屬者太陽轉屬少陽而未純之辭。故仍有頭痛發熱之表也。如是者宜與柴胡桂枝湯。蓋以其為併病也。若以麻黃湯以發其汗。則津液內竭。大便燥結令人譏語。此為屬胃。宜與小承氣

以和胃氣。胃和則愈。若其胃不和。則不但譏語。又令人煩而躁也。如此則當與大承氣湯也。

本太陽病不解。轉入少陽者。脇下鞭滿。乾嘔。不能食。往來寒熱。尚未吐下。脈沈緊者。與小柴胡湯。五函無本字。不能食。作不欲。飲食是矣。

金鑑曰。脈沈緊。當是脈沈弦。若是沈緊。是寒實在胸。當吐之診也。惟脈沈弦。方與上文之義相屬。始可與小柴胡湯。當攻之。

若已吐下發汗溫針讞語柴胡證罷。此為壞病。知犯

傷寒論集解卷之

何逆以法治之。

劉棟曰。右二條一章也。不可圈別。

正珍曰。讞語二字衍文。當刪之。病源候論引此條文無讞語二字為是矣。壞病謂正證自敗不可以少陽陽明等目名焉。以法治之乃隨證治之之謂。

三陽合病脈浮大上關上但欲眠睡目合則汗

劉棟曰。此條後人之所攬也。

傷寒六七日無大熱其人躁煩者此為陽去入陰故也。玉函無故字。

二章十六


無大熱無翕翕發熱也。躁煩當作煩躁字之顛倒也。陰陽乃表裡之別稱。陽去入陰者謂其邪去表入裡。陽去二字似倒而非倒。蓋亦古文一法已。按論語云。迅雷風烈必變。楚辭九歌云。吉日兮辰良。後漢書云。候氣之法為室三重戶閉塗釀必周密。文法並與此同焉。

傷寒三日三陽為盡三陰當受邪其人反能食而不嘔此為三陰不受邪也。

傷寒三日少陽脈小者欲已也

易寒論集解卷之 少陽篇

二十八 杏花園藏板



少陽病欲解時從寅至辰上

劉棟曰右三條後人之所攬也。

傷寒論集成卷之七終

